



O‘ZBEKISTON RESPUBLIKASI NAVOIY VILOYATI HOKIMINING QARORI

Navoiysh., IslomKarimovsh.k 77 A

2024 - yil 21 - iyun

170-5-0-Q/24

Navoiy viloyati hokimligi

O‘zbekiston Respublikasi Prezidentining 2024-yil 5-iyundagi “O‘zbekiston Respublikasining “Manfaatlar to‘qnashuvi to‘g‘risida”gi Qonuni ijrosini samarali tashkil etish chora-tadbirlari to‘g‘risida”gi PQ–210-sonli qarori ijrosini ta‘minlash haqida

Viloyat hududida “Manfaatlar to‘qnashuvi to‘g‘risida”gi O‘zbekiston Respublikasining Qonuni ijrosini samarali tashkil etish, so‘zsiz ta‘minlash, shuningdek, manfaatlar to‘qnashuvining oldini olishga oid huquqiy tartibotlarning mazmun-mohiyatini davlat organlari va tashkilotlari xodimlari va keng jamoatchilikka tushuntirilishini ta‘minlash maqsadida

QAROR QILAMAN:

1. O‘zbekiston Respublikasi Prezidentining 2024-yil 5-iyundagi “O‘zbekiston Respublikasining “Manfaatlar to‘qnashuvi to‘g‘risida”gi Qonuni ijrosini samarali tashkil etish chora-tadbirlari to‘g‘risida”gi PQ–210-sonli qarori ijro uchun qabul qilinsin.

2. Davlat organlari va tashkilotlarida manfaatlar to‘qnashuvini aniqlash, oldini olish va bu borada samarali nazorat tizimini o‘rnatishga qaratilgan O‘zbekiston Respublikasining “Manfaatlar to‘qnashuvi to‘g‘risida”gi Qonuni qabul qilinganligi;

Qonun bilan o‘rnatilgan talablar va mexanizmlarni davlat organlari va tashkilotlarida samarali joriy etish, bu jarayonda xodimlarning huquq va manfaatlari himoyasini ta‘minlash hamda ular uchun zarur tushuntirish ishlarini olib borish davlat organlari va tashkilotlarining birinchi rahbarlari

zimmasiga yuklatilishi belgilanganligi;

O‘zbekiston Respublikasi Prezidentining qarori bilan O‘zbekiston Respublikasining “Manfaatlar to‘qnashuvi to‘g‘risida”gi Qonuni ijrosini tashkil etish ishlarini muvofiqlashtirish bo‘yicha respublika idoralararo komissiyasi tarkibi hamda 2024-yilda amalga oshiriladigan ishlar yuzasidan “Yo‘l xaritasi” tasdiqlanganligi ma’lumot uchun qabul qilinsin.

3. O‘zbekiston Respublikasining “Manfaatlar to‘qnashuvi to‘g‘risida”gi Qonuni ijrosi doirasida viloyatda 2024-yilda amalga oshiriladigan ishlar yuzasidan “Yo‘l xaritasi” ilovaga muvofiq tasdiqlansin.

4. Viloyat hokimligi tashkiliy-kadrlar guruhi (E. Avezov), korrupsiyaga qarshi ichki nazorat qilish shu‘basi (F. Xasanov) viloyat adliya boshqarmasi (U. Abdullayev) bilan birgalikda hokimlik tizimida O‘zbekiston Respublikasining “Manfaatlar to‘qnashuvi to‘g‘risida”gi Qonuni mazmun-mohiyati yuzasidan tushuntirish va targ‘ibot tadbirlarini (seminar-trening, davra suhbatlari va boshqalar) amalga oshirsin.

5. Viloyat hokimligi tashkiliy-kadrlar guruhi (E. Avezov), korrupsiyaga qarshi ichki nazorat qilish shu‘basi (F. Xasanov) tegishli boshqarma va tashkilotlar hamda tuman (shahar) hokimliklari:

har chorakda viloyat, tuman (shahar) hokimliklari hamda hokimlik bo‘ysunuvidagi boshqarma va tashkilotlarida manfaatlar to‘qnashuviga olib kelishi mumkin bo‘lgan holatlarni aniqlash, ularni bartaraf etish hamda manfaatlar to‘qnashuviga yo‘l qo‘yilgan holatlarni tahlil qilish;

xodimlar tomonidan ularning faoliyatida manfaatlar to‘qnashuvining oldini olish bo‘yicha cheklovlariga rioya etilishini o‘rganish, jumladan o‘rindoshlik asosida ishlash, tadbirkorlik faoliyatida ishtirok etish kabi holatlarni aniqlash;

har yarim yilda manfaatlar to‘qnashuvi holatlarini aniqlash va ularni bartaraf etish, shuningdek, bunday holatlarning oldini olish bo‘yicha ko‘rilayotgan choralar tanqidiy muhokama qilib borilishini ta‘minlash bo‘yicha tegishli choralarni ko‘rsin.

6. Mazkur qaror ijrosini tashkil etish va muvofiqlashtirish viloyat

hokimining birinchi o‘rinbosari R. Sulaymonov zimmasiga yuklansin.

Viloyat hokimi



N.Tursunov

Navoiy viloyat hokimining
2024-yil 21-iyundagi
170-5-0-Q/24-son qaroriga
1-ilova

**O‘zbekiston Respublikasining “Manfaatlar to‘qnashuvi to‘g‘risida”gi Qonuni
ijrosi doirasida viloyatda 2024-yilda amalga oshiriladigan ishlar yuzasidan
Navoiy viloyati hokimligining
“Yo‘l xaritasi”**

T/r	Chora-tadbir nomi	Amalga oshirish mexanizmi	Muddati	Mas’ullar
1.	Viloyat hokimligi, uning bo‘ysunuvdagi boshqarma va tashkilotlar hamda tuman (shahar) hokimliklarida manfaatlar to‘qnashuvini aniqlash, oldini olish va bu borada samarali nazorat tizimini o‘rnatishga qaratilgan O‘zbekiston Respublikasining “Manfaatlar to‘qnashuvi to‘g‘risida”gi Qonunning mazmun-mohiyati yuzasidan tushuntirish ishlarini amalga oshirish.	O‘zbekiston Respublikasining “Manfaatlar to‘qnashuvi to‘g‘risida”gi Qonunning mazmun-mohiyati va ahamiyatiga bag‘ishlangan seminar-trening o‘tkazish va ijtimoiy tarmoqlarda yoritish.	2024-yil iyun	Viloyat hokimining matbuot kotibi – axborot siyosati masalalari bo‘yicha hokimning maslahatchisi (Sh.Raubayeva), viloyat adliya boshqarmasi (U.Abdullayev), viloyat hokimligi Korrupsiyaga qarshi ichki nazorat qilish shu‘basi (F.Xasanov), tuman (shahar) hokimliklari
2.	Viloyat hokimligi, uning bo‘ysunuvdagi boshqarma va tashkilotlar hamda tuman (shahar) hokimliklarida yaqin qarindoshlar bevosita bo‘ysunuvda yoki nazorat yo‘nalishidagi tashkilotlarda ishlayotgan holatlarni aniqlash va natijalarini Respublika idoralararo komissiyasiga taqdim qilish hamda aniqlangan holatlarning qonunchilik hujjatlariga muvofiqligini o‘rganish hamda manfaatlar to‘qnashuvini bartaraf etish choralarini ko‘rish.	Viloyat hokimligi, uning bo‘ysunuvdagi boshqarma va tashkilotlar hamda tuman (shahar) hokimliklarida yaqin qarindoshlar bevosita bo‘ysunuvda yoki nazorat yo‘nalishidagi tashkilotlarda ishlayotgan holatlarni aniqlash; Aniqlangan manfaatlar to‘qnashuvini bartaraf etish choralarini ko‘rish.	2024-yil iyul	viloyat hokimligi Tashkiliy-kadrlar guruhi (E.Avezov), viloyat hokimligi Korrupsiyaga qarshi ichki nazorat qilish shu‘basi (F.Xasanov), tuman (shahar) hokimliklari
3.	Viloyat hokimligi, uning bo‘ysunuvdagi boshqarma va tashkilotlar hamda tuman (shahar) hokimliklarida xodimlar o‘rindoshlik asosida ishlayotgan holatlarni aniqlash hamda natijalari bo‘yicha ma‘lumotni Korrupsiyaga qarshi kurashish agentligiga taqdim qilish.	viloyat hokimligi, uning bo‘ysunuvdagi boshqarma va tashkilotlar hamda tuman (shahar) hokimliklarida xodimlar o‘rindoshlik asosida ishlayotgan holatlarni aniqlash va bartaraf etish choralarini ko‘rish.	2024-yil iyul	viloyat hokimligi Tashkiliy-kadrlar guruhi (E.Avezov), viloyat hokimligi Korrupsiyaga qarshi ichki nazorat qilish shu‘basi (F.Xasanov), tuman (shahar) hokimliklari
4.	Viloyat hokimligi, uning bo‘ysunuvdagi boshqarma va tashkilotlar hamda tuman (shahar) hokimliklaridan ishdan bo‘shagan xodimning ikki yil (2 yil) ichida o‘z ish joyida bevosita nazoratida bo‘lgan tashkilotlarga ishga kirish holatlarini aniqlash hamda natijalari bo‘yicha ma‘lumotni Korrupsiyaga qarshi kurashish agentligiga taqdim qilish.	viloyat hokimligi, uning bo‘ysunuvdagi boshqarma va tashkilotlar hamda tuman (shahar) hokimliklaridan ishdan bo‘shagan xodimning ikki yil (2 yil) ichida o‘z ish joyida bevosita nazoratida bo‘lgan tashkilotlarga ishga kirish holatlarini aniqlash; Aniqlangan holatlar bo‘yicha ma‘lumotni Korrupsiyaga qarshi kurashish agentligiga taqdim qilish.	2024-yil iyul	viloyat hokimligi Tashkiliy-kadrlar guruhi (E.Avezov), viloyat hokimligi Korrupsiyaga qarshi ichki nazorat qilish shu‘basi (F.Xasanov), tuman (shahar) hokimliklari
5.	Viloyat hokimligi, uning bo‘ysunuvdagi boshqarma va tashkilotlar hamda tuman (shahar) hokimliklari xodimlarining tadbirkorlik faoliyatida ishtirok etish holatlarini aniqlash. Aniqlangan holatlarning qonunchilik hujjatlariga muvofiqligini o‘rganish hamda manfaatlar to‘qnashuvini bartaraf etish choralarini ko‘rish.	Amaliy chora tadbirlar	2024-yil oktabr	viloyat hokimligi Tashkiliy-kadrlar guruhi (E.Avezov), viloyat Soliq boshqarmasi (S. Nazarov), viloyat hokimligi Korrupsiyaga qarshi ichki nazorat qilish shu‘basi (F.Xasanov), tuman (shahar) hokimliklari
6.	Viloyat hokimligi, uning bo‘ysunuvdagi boshqarma va tashkilotlar hamda tuman (shahar) hokimliklaridan ishdan bo‘shagan xodimning ikki yil ichida o‘z ish joyida bevosita nazoratida bo‘lgan tashkilotlarga ishga kirish holatlarini aniqlash hamda natijalarini Respublika idoralararo komissiyasiga taqdim qilish. Aniqlangan holatlarning qonunchilik hujjatlariga muvofiqligini o‘rganish hamda manfaatlar to‘qnashuvini tartibga solish choralarini ko‘rish.	Axborot-taxliliy ma‘lumotnoma Amaliy chora-tadbirlar	2024-yil iyul 2024-yil oktabr	viloyat hokimligi Tashkiliy-kadrlar guruhi (E.Avezov), viloyat hokimligi Korrupsiyaga qarshi ichki nazorat qilish shu‘basi (F.Xasanov), tuman (shahar) hokimliklari

7.	Xodim o'zi mehnat (xizmat) faoliyatini amalga oshirayotgan viloyat hokimligi, uning bo'ysunuvidagi boshqarma va tashkilotlar hamda tuman (shahar) hokimliklarining nazoratida bo'lgan tadbirkorlik faoliyati subyektlarining aksiyalariga yoki ustav fondidagi (ustav kapitalidagi) ulushlariga egalik qilgan, shuningdek, ushbu tadbirkorlik faoliyati subyektlarining boshqaruv organi a'zosi bo'lgan holatlarni aniqlash hamda natijalarini Korrupsiyaga qarshi kurashish agentligiga taqdim qilish. Aniqlangan holatlarning qonunchilik hujjatlariga muvofiqligini o'rganish hamda manfaatlar to'qnashuvini bartaraf etish choralarini ko'rish.	Axborot-tahliliy ma'lumotnoma Amaliy chora-tadbirlar	2024-yil iyul 2024-yil oktabr	viloyat hokimligi Tashkiliy-kadrlar guruhi (E.Avezov), viloyat Soliq boshqarmasi (S. Nazarov), viloyat hokimligi Korrupsiyaga qarshi ichki nazorat qilish shu'basi (F.Xasanov), tuman (shahar) hokimliklari
8.	Viloyat hokimligi, uning bo'ysunuvidagi boshqarma va tashkilotlar hamda tuman (shahar) hokimliklari xodimlari tomonidan 2024-yilda manfaatlar to'qnashuvi bo'yicha to'ldirilgan yillik deklaratsiyalarni tahlil qilish. Aniqlangan holatlarning qonunchilik hujjatlariga muvofiqligini o'rganish hamda manfaatlar to'qnashuvini bartaraf etish choralarini ko'rish.	Axborot-tahliliy ma'lumotnoma Amaliy chora-tadbirlar	2024-yil iyul 2024-yil oktabr	viloyat hokimligi Tashkiliy-kadrlar guruhi (E.Avezov), viloyat adliya boshqarmasi (U.Abdullayev), viloyat hokimligi Korrupsiyaga qarshi ichki nazorat qilish shu'basi (F.Xasanov), tuman (shahar) hokimliklari
9.	Manfaatlar to'qnashuvi to'g'risida xabar berish va ularni tartibga solish tizimi joriy etilmagan (Viloyat hokimligi bo'ysunuvidagi boshqarma va tashkilotlar hamda tuman (shahar) hokimliklaridagi) holatlarni tahlil qilish.	Axborot-tahliliy ma'lumotnoma	2024-yil avgust	viloyat hokimligi Tashkiliy-kadrlar guruhi (E.Avezov), viloyat adliya boshqarmasi (U.Abdullayev), viloyat hokimligi Korrupsiyaga qarshi ichki nazorat qilish shu'basi (F.Xasanov), tuman (shahar) hokimliklari
	Viloyat hokimligi, uning bo'ysunuvidagi boshqarma va tashkilotlar hamda tuman (shahar) hokimliklarida manfaatlar to'qnashuvi to'g'risida xabar berishning elektron tizimi yo'lga qo'yilganligini o'rganish hamda bunday tizimni joriy etish imkoniyatlarini tahlil qilish.	Axborot-tahliliy ma'lumotnoma	2024-yil sentabr	Raqamli texnologiyalar boshqarmasi (A.Bo'ronov), viloyat hokimligi Tashkiliy-kadrlar guruhi (E.Avezov), viloyat adliya boshqarmasi (U.Abdullayev), viloyat hokimligi Korrupsiyaga qarshi ichki nazorat qilish shu'basi (F.Xasanov), tuman (shahar) hokimliklari
10.	Mavjud manfaatlar to'qnashuvi to'g'risidagi xabarnoma va ehtimoliy manfaatlar to'qnashuvi to'g'risidagi deklaratsiyaning tasdiqlangan namunaviy shakllarini viloyat hokimligi, uning bo'ysunuvidagi boshqarma va tashkilotlar hamda tuman (shahar) hokimliklari rasmiy veb-saytlariga joylashtirish.	Amaliy chora-tadbirlar	2024-yil sentabr	Viloyat hokimining matbuot kotibi – axborot siyosati masalalari bo'yicha hokimning maslahatchisi (Sh.Raubayeva), viloyat hokimligi Korrupsiyaga qarshi ichki nazorat qilish shu'basi (F.Xasanov), tuman (shahar) hokimliklari
11.	Viloyat hokimligi, uning bo'ysunuvidagi boshqarma va tashkilotlar hamda tuman (shahar) hokimliklari xodimlari ish stolidagi eslatma sifatida foydalanishi uchun manfaatlar to'qnashuvi bilan bog'liq holatlar va bunday vaziyatlarda ko'riladigan choralar bo'yicha illustrativ tarqatma materiallarni ishlab chiqish hamda tarqatish.	Amaliy chora-tadbirlar	2024-yil avgust	viloyat adliya boshqarmasi (U.Abdullayev), viloyat hokimligi Tashkiliy-kadrlar guruhi (E.Avezov), viloyat hokimligi Korrupsiyaga qarshi ichki nazorat qilish shu'basi (F.Xasanov), tuman (shahar) hokimliklari
12.	Viloyat hokimligi, uning bo'ysunuvidagi boshqarma va tashkilotlar hamda tuman (shahar) hokimliklarining manfaatlar to'qnashuvi va korrupsiya holatlari bo'yicha xabar berish mumkin bo'lgan aloqa kanallarini OAV va ijtimoiy tarmoqlar orqali keng targ'ib qilish.	Amaliy chora-tadbirlar	2024-yil oktabr	Viloyat hokimining matbuot kotibi – axborot siyosati masalalari bo'yicha hokimning maslahatchisi (Sh.Raubayeva), viloyat hokimligi Korrupsiyaga qarshi ichki nazorat qilish shu'basi (F.Xasanov), tuman (shahar) hokimliklari